



- SENAT -

Broj: 01-9-62/20

Sarajevo, 29. 04. 2020. godine

Na osnovu člana 130, a u vezi sa članovima 53. i 56. Zakona o visokom obrazovanju („Službene novine Kantona Sarajevo“, broj: 33/17) i člana 59, a u vezi sa članom 151. Statuta Univerziteta u Sarajevu, Senat Univerziteta u Sarajevu je na 11. elektronskoj sjednici održanoj 29. 04. 2020. godine, d o n i o

ODLUKU

o izmjenama i dopunama Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu

I

Usvajaju se izmjene i dopune Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu, kako slijedi:

- U članu 1. stav 1. brišu se riječi: „*postupak ekvivalencije*“
- Član 5. stav (8) se mijenja i glasi: *(8) Vijeće fakulteta/akademije/centra/instituta može omogućiti studentima iz stava (1) ovog člana zadržavanje statusa redovnog studenta koji se finansira sredstvima osnivača u slučaju ponovnog obnavljanja studijske godine i studiranje duže od predviđenog Zakonom po individualiziranom i prilagođenom nastavnom planu i programu.*
- U članu 25. dodaje se novi stav (9) koji glasi: *(9) U slučaju vanrednih okolnosti (vanrednog stanja, prirodne ili druge nesreće i sl.) Senat može donijeti odluku o alternativnim načinima realizacije nastave za vrijeme trajanja vanrednih okolnosti za datu studijsku godinu.*
- Član 31. stav (2) se mijenja i glasi: *(2) Pojedinačna pisana ili praktična provjera znanja traje od 30 do 180 minuta, usmena do 60 minuta, a kombinirana maksimalno jednako zbiru trajanja kombinacija od kojih je provjera znanja sastavljena.*
- U članu 33. dodaje se stav (8) koji glasi: *U slučaju vanrednih okolnosti (vanrednog stanja, prirodne i druge nesreće i sl.) Senat može donijeti odluku o alternativnim načinima polaganja ispita u ispitnim rokovima utvrđenim Akademskim kalendarom za vrijeme trajanja vanrednih okolnosti za datu studijsku godinu.*
- Član 36. stav (1) se mijenja i glasi: *(1) U indeks se upisuju samo prolazne ocjene i to brojčane ili slovne (od 6 do 10, odnosno od E do A), ovjerene potpisom ispitivača.*
- Član 38. stav (1) se mijenja i glasi: *(1) Student koji nije zadovoljan postignutom ocjenom na ispitu može u roku od dva radna dana od dana ocjenjivanja odnosno objavljivanja rezultata ispita na oglasnoj ploči ili veb-portalu organizacione jedinice pisano tražiti da ispit ponovi pred komisijom.*
- Član 38. stav (9) se briše.

- Član 39. stavovi (4) i (5) se mijenjaju i glase: (4) *Kod razmatranja zahtjeva za izuzeće nastavnika iz stava (1) ovog člana dekan će posebno, pored zakonskih osnova za izuzeće, uzeti u obzir i sljedeće: eventualni sukob interesa, eventualno pokrenut disciplinski postupak protiv nastavnika, broj pristupanja ispitu od strane studenta.*
(5) *Komisijски ispit, organiziran po osnovu zahtjeva studenta iz stava (1) ovog člana, održava se u pravilu u ranije utvrđenom terminu za polaganje ispita pred predmetnim nastavnikom.*
- Član 52. stav (5) se briše. (ukida se obrazac Z2)
- Član 60 se briše.
- Član 61. postaje član 60.
- Član 62. postaje član 61.
- Član 63. postaje član 62.
- Novi član 62 se mijenja i glasi: "Ova pravila primjenjuju se od studijske 2020/2021. godine i objavit će se na oglasnoj ploči Univerziteta i veb-stranici Univerziteta."

II

Ova odluka stupa na snagu danom donošenja.

REKTOR

Prof. dr. Rifat Skrijelj



Dostavljeno:

- Organizacionim jedinicama UNSA
- Službi za nastavu
- U dokumentaciju Senata
- Arhivi